



8. juni 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. **Naalakkersuisut royaltiesit imaluunniit akitsuutit qanoq eqqarsaasorsorfigaat, tunisassiami avammut nioqqutigineqartussami imeq imaluunniit nilaat ilaappat ?**
2. **Naalakkersuisut minnerpaaffiliinissamut eqqarsaateqarpat, tunisassiami nilaat imaluunniit imeq tunngaviuppata aatsaat royaltiesinik imaluunniit akitsuutinik akiliisoqartalersillugu?**

(Inatsisartunut ilaasortaq Justus Hansen, Demokraatit)

Tunngavilersuut:

Pisuussutitta aatsitassat akitsuusersorneqarnissaat akitsuusersorneqannginnissaalluunniit pillugu oqallinneq pileruttorpoq. ”Atortussiassanili” pisuussutitta annersaat imeq nilallu eqqartorneqaleraangata, oqallittut noqqallattarput. Pineqartumili suut malittarisassaanersut aamma nalunarpoq.

Sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersumi § 26 imatut nipeqarpoq:

§ 4 malillugu pisinnaatitsissummi aalajangerneqarsinnaapput piginnaatitsissummik pigisaqartup akileraarutininik akiliuteqartarnissaanut piunasaqaatit. Tamatumunnga ilanngullugu akileraarutininik nioqqutissiornerup annertussusaa naleqassusialu naapertorlugit naatsorsorneqartartussanik akiliisarnissamut piunaqaatinik aalajangersaasoqarsinnaavoq.”

Taamaasilluni inatsimmi allaqqanngilaq, akitsuutinik royaltiesinilluunniit akiliisoqartassanersoq, nilak imaluunniit imeq avammut tunisassiarineqartillugu imaluunniit tunisassiat taakkunangga imallit avammut tunisassiarineqartillugit. Taamaallaat allassimavoq periarfissaasoq.



Sermip erngullu avammut nioqqutissatut atorneqarnissaat pillugu inatsit naapertorlugu oqartussatut suliarinnittarneq pillugu Namminersornerullutik Oqartussat nalunaarutaanni nr. 7-mi, 22. aprili 2004-imeersumi aamma tamanna najoqqutassiuunneqarnikuunngilaq.

2011-mut Aningaasanut inatsimmi takuneqarsinnaavoq konto 24 11 24-mi Naalackersuisut missingersuusiarisimagaat 2,1 mio. koruunit isertinneqarumaartut nilannut imermullu akitsuutiniit, kisianni takuneqarsinnaanngilaq, aningaasat taakku qanoq isertinneqassanersut. Konto 24 11 24 imatut oqaaseqartartinneqarpoq:

” Sermip erngullu avammut nioqqutissatut atorneqarnissaat pillugu Inatsisartut inatsisaat nr. 7, 31. maj 2001-imeersumi § 26 naapertorlugu akitsuutinik akiliisarnissamut piumasaqaatit aalajangersarneqartussaapput tunngavigalugit tunisassiat annertussusaat naligallu.”

Tusagassiutinut nalunaarummi ullulerneqarsimasumi 10. februar 2009 takuneqarsinnaavoq, Namminersorlutik Oqartussat Greenland Spring Water ApS isumaqatigiissuteqarfigisimagaat royaltiesinik akiliisarnissaq pillugu. Tusagassiutinut nalunaarummi aamma takuneqarsinnaavoq royaltiesit pillugit isumaqatigiissutip kinguneranik tunisassiornerup aallartinneraniik akitsuutinik isaatitsisoqalerumaartoq kisianni takuneqarsinnaanngilaq royaltiesinut akiliutissaq qanoq annertutiginersoq imaluunniit qanoq naatsorsorneqartassanersoq.

Demokraatini apeqqutit tunngavilersuutillu ilanngunneqartut tunngavigalugit soqutigaarput paasissallugu, Naalackersuisut nilaaterpassuagut imiuterujussuarpullu qanoq akissarsiutigissallugu eqqarsarnersut.

Apeqqutit akeqquneqarput piffissarititaasut ullut naliginnaasumik sulliviit qulit iluanni.